



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Bona Volvntas Optimæ Consentiens. Seu De Sequendo In
Omnibus Ductu Providentiæ Diviniæ**

Foullon, Jean E.

Leodii, 1657

VII. Alia ejusdem.

[urn:nbn:de:hbz:466:1-54992](#)

48 BONA VOLUNTAS

visa sunt relatu non indigna: ut ex unius hominis casu intelligamus nîl casu fieri. Neque enim casu factum, ut pulvis venis vulnerati, ad fistendum sanguinem, velut medicamentum extemporaneum, admoveretur. Non casu factum, ut sterquilino præcipitatus incideret. Nec casus fuit, quod in illum jacentem pauper ex vicino incurreret. Naturalium causarum occursus fortuitos sic Devs disposuit, ut vita Confessori suo servaretur.

VII. De seipso idem Augustinus Enchiridii ad Laurentium cap. 17.
Alia ejusdem.

Sunt quædam quæ nescire, quam scire, sit melius. Itemque nonnullis errare profuit: sed in via pedum, non in viamorum. Nam nobis ipsis accidit, ut in quodam bivio falleremur, & non iremus per eum locum, ubi operiens transitum nostrum Donatistarum manus armata subsederat: atque ita factum est, ut eò, quò tendebamus, per devium circuitum veniremus: cognitisque insidiis illorum, nos gratularemur errasse, atque inde gratias ageremus Deo. Sapiens & sanctus vir errorem ipsum suum, ex-merita impru-

imprudentia ortum, providentiae tamen divinæ, quælibet ad fines suos ordinanti, tribuit. Adeò certum est, nîl evenire fortuitum. Videri potest idem Doctor in libris de Ordine: ubi foricis strepitum, quo ipse domesticique discipuli exicitati fuere, & murmur torrentis inter folia labentis & interstrepentis, unde occasionem disputandi arripuerunt, casu accidisse non existimat.

VIII.

*Quotidiana
in nobis ex-
perientia.*

Quàm multa nobis quotidie incurruunt ejusmodi, quorum rationes nunc non videmus: postmodùm agnituri, quando ex editâ æternitatis specula retrò lapsorum annorum mutationes remeticimur? Tunc manifestè apparebit: nec casum fuisse, quod ibi nati; nec fortuitum, quòd sic educati; neque inconsultum, quòd ad ea studia, artēsve admoti; nec sine numine, quòd illa consortia consuetudinesque ingressi. Deus in omnibus caussas suas habuit, easque optimas: et si cæcis mortalibus ista cæco impetu ferri videantur. Celebre est istud Apellis apud Plinium.

C.

libro